

青園詩草

四冊之一

光緒壬辰年刻

青園誼州

余性疏放早歲止進取又不屑以一能一藝名遂放
焉自廢酒場花事流水行雲一往不可收束幾二十
年忽焉倦遊翻然自檢去日積習革除淨盡旣閒好
歌而又拙於音律興到每引聲長嘯有類於詩不欲
人知多無草而子姪輩方讀書聞輒錄之積若干篇
焉未及焚姑置之歲甲午因山遊過勞謝客致養齋
居無以自遣遂畧檢而手錄一通爲治紛之藥物耳

故交夙好目之爲詩可不以爲詩尤可皆無足係余
之輕重皆道光乙未冬至前二日青園自誌

客有問於余曰詩之近體宗唐乎法宋乎倣李而摹
杜乎余曰責耕於僕責織於婢余非詩人且不願爲
詩人何敢與知客固強之余曰竊以唐宋自唐宋之
風氣李杜自李杜之性情余能降 盛世之風氣爲
唐宋之風氣易吾人之性情爲李杜之性情乎況唐
宋固不相襲李杜各自爲用余何爲哉余所樂者怡
然率性觸物卽鳴翻腸倒肚罄其所有發乎情止乎

理誰計工拙竟不知唐宋爲何時李杜爲何事青園
又誌

青園先生爲先子世父性助吟咏以布衣終著有

青園詩草四卷

先子手爲編次而未及刊刻皮藏


至今達斌重以人事變遷南朔奔走迄未卒業今權

鹽樊城長夏無事謹校讐付梓附以

先子詩數十

首散佚之餘僅此零什併眎後生小子毋忘手澤焉

光緒壬辰年孟秋月姪孫達斌敬識



青園詩草卷一

遼陽玉書著

姪亨慶編次

姪孫達編校

自題青園

室隅隙地草木不芟階除羅蔭
顏其門曰青園自號青園居士

青園桑柘綠迷離一徑閒田復坦夷羣季穿花時問
字諸兄烹茗日敲棋物來求備翻成累事過卽忘免
致思自序天倫真樂境無煩聲聞覬人知

家居

不是閒人心自閒詩筒酒盞日多般乘時莫放春秋

過稽古惟權夷惠閒活潑有清思樂水講求無已譬
爲山年來興致猶如此每向風塵露一斑

春晚卽事

節序漸從容春寒晚尙濃天空千里月人靜一聲鐘
景物方關念榮枯未介胸近耽清寂理書帙且塵封

閒題

皓月真如性春風白在天酒惟由已量詩不爲人傳
仁義根心物耄耆立命年未知衰老至日夕惕乾乾

安步小園東韶華二月中燕歸春社雨人醉海棠風
音響聞天籟生成仰化工堦前書帶草此際倍龍葱

樂育堂書懷

豈與人求異無妨酒獨醒起居常率性酬答不違情
解義多方古評詩懶問名風塵應具眼莫漫逐波行
清明同昆季子姪輩小飲慶豐閭望東樓首倡
通惠河邊楊柳風諸兄羣季賞心同塵襟乍解清光

襲高閣初臨眼界空
沽酒客來春色裏
賣花人在雨聲中
莫教青帝隨流水
盡日滔滔東復東

送薛廉溪赴江南幕

窮經半世壯心甘
遊幕頻年吏治諳
道路時遷山曲折
江河日下水東南
離筵爲子猶攀柳
歧路何人更解驂
莫薄區區升斗祿
家貧親老不爲貪

樂育堂海棠

宿酒猶醺粉未勻
無言空對可憐春
不知誰是看花

者倦倚東風冷笑人

一謫人間歌舞場也隨桃李鬪春光凡花未識神仙
品猶向風塵恨不香

春曉

曉夢餘詩味清烟燼麝團不知終夜雨角枕漫生寒

九日西郊題

紅葉黃花詞客秋烹鮮擘鱗酒家樓登山避患翻成
感擊缶長歌不耐愁宿雨沒殘韋屐齒晴風吹徹木

棉裘斜陽又送歸鴉路清興猶奢且暫留

登昌平城

秋風城北閣臨眺獨凭闌水盡一竿日天涯數點山
牧人歸待渡飛鳥倦知還何處青雲覆賢才草野閒

敬修齋冬夜卽事

義學

冰堅地拆仲冬時天放閒人境坦夷竹葉未隨風色
改梅花祇許月明知銷殘獸炭孤尊在紉罷羊裘傲
骨持宿物不留清睡穩無須更問夜何其

樂育堂春晚卽事

半郭半鄰村塵囂不到門看雲歸碧落邀月卧黃昏
院隔聞歌韻香溶結篆痕青燈方對影於此見操存

西郊紀遊

人過滹沱驛路陰清秋淩曉氣森森膏田露草標清
况廢寺松風發古音引勝已非前度徑探奇未減少
年心金元聞有遺碑在煙水蒼茫何處尋

西山紀遊

杖履蕭然興味奢
峻嶒石磴度蟠蛇
天空望眼秋無際
世古懷人生有涯
是處飛鴻歸路杳
長年喬木夕陽斜
茫茫一局知誰勝
爭忍尊前酒不賒

送黃羽士

野鶴孤踪屢見招
一肩雲水路迢迢
衲衣是處爲眠具
竹杖隨緣掛飲瓢
遁世有懷歸佛老
達人餘緒寄漁樵
料應久作遊仙侶
欲假青鸞訪碧霄

連朝微恙竟龍鍾慚愧當年矍鑠翁
手板漫沾新藥裏蟲絲已網舊詩筒
空餘楊柳邀春色枉負棠梨待好風
近日襟懷殊落落固知二豎去胸中

示保慶亨慶

六朝駢體革除際八代文衰振起時
襲取虛聲千世譽何如抱璞受人知

家居卽事

修竹移花閒處忙談詩說劍老來狂
承平日久英雄